

6. Fundur stjórnar Beint frá býli, haldin í Dæli, Víðidal, 9.febrúar 2014. Kl 13.00

Allir aðalmenn mættir, Guðmundur Jón Guðmundsson, Heidi Laubert Andersen og Þorgrímur Einar Guðbjartsson. Að auki sitja fundinn varamenn, Jóhanna B. Þorvaldsdóttir og Hanna S. Kjartansdóttir.

Formaður setti fund og bauð fundarmenn velkomna

Dagskrá:

1. MAST
2. Lögmannsstofa Reykjavíkur næstu skref.
3. Heimildasöfnunarferð til Evrópu.
4. Fjármál BFB
5. Aðalfundur 2014
6. Önnur mál er félagið varða

1. MAST

Samþykkt að óska eftir fundi með Matvælastofnun til að ræða um samskipti Beint frá býli og Matvælastofnunar.

2. Lögmannsstofa Reykjavíkur næstu skref.

Formaður hefur fengið álit hjá Húna við tilboðum Lögmannstofunnar og hann leggur til að við tökum 1. liðinn en hinir tveir séu að nokkru leyti þegar búið að vinna í.

Ákveðið að bíða með að fara af stað með Lögmannsstofunni, þar til við höfum átt fund með Matvælastofnun.

3. Heimildasöfnunar ferð til Evrópu. Rætt um að fara í kynnisferð til Evrópu til að afla heimilda um umhverfi sambærniþega heimavinnsluáðila. Ákveðið að freista þess að sækja um styrki til hugsanlegrar ferða og taka ákvörðun í framhaldi af því.

4. Fjármál BFB. 89 búnir að greiða félagsgjöld 2013. Ákveðið að loka fyrir vörusölu hjá framleiðendum sem eiga ógreidd félagsgjöld 31. jan. og séu þau ekki greidd fyrir 1. apríl er litið svo á að um úrsögn úr félaginu sé að ræða.

Stjórn ítrekar fyrri ákvörðun um að fela Örnun M. Guðmundsdóttur að sjá um uppsetningu á rafrænum bæklingum á heimasíðu Beint frá býli.

5. Aðalfundur 2013. Ákveðið að halda aðalfundinn 5. apríl að Efstadal 2. Kl 13.00. Efni á fundinum auk hefðbundinna aðalfundarstarfa: Hanna greinir frá niðurstöðu skoðunarkönnunnar á viðhorfi félagsmanna til félagsins.

Þá verður greint frá ferð Bfb til Evrópu, hafi hún verið farin.

Einnig að athuga með að fá aðila frá Velbú til að koma með erindi um starfsemi þeirra.

6. Önnur mál:

Enskur bæklingur og uppfærsla á þeim Íslenska. 9 aðilar hafa lýst yfir áhuga á að vera í Enska bæklingnum. Skilyrði er að viðkomandi sé með gæðamerki Bfb. Samþykkt að óska eftir því við Örnunni að hún haldi utan um það verkefni. Kostnaður pr þátttakanda í bæklingi kr 3.500.-

Gisting. Samþykkt að vörflokknum gisting, verði bætt við og að bjóða félagsmönnum, sem einnig eru með gistingu og uppfylla kröfur um gæðamerki félagsins, að lista sig undir þann vörulið.

Hrafnagilshátíð sumarið 2014. Samþykkt að taka þátt í hátíðinni.

Samþykkt að ritari semji drög að reglum um þátttöku í mörkuðum sem bfb niðurgreiðir þátttökugjöld á.

Markaður í Mjódd. Samþykkt að félagið semji við Mjóddina um leigu á tveimur básum í 2 daga í mánuði út árið og tvær fyrstu helgarnar í desember.

Samþykkt að kaupa aðgang að surveymonkey, sem er síða til að búa til skoðanakannanir.

Mannréttindastofnun Íslands sendi okkur erindi frá samtökunum, Association for Sustainable Development – Timis County í Rúmeníu um hvort að Bfb væri tilbúin að taka á móti fólki og fræða um félagsskap okkar.

Matarhandverk á vestfjörðum. Þorgrímur kynnti fyrir stjórnarmönnum hugmynd sem er uppi um að halda matarráðstefnu og sýningu á Patreksfirði í ár. Hugmynd kom upp um að Bfb óskaði eftir að fá að hafa aðkomu að undirbúningi og framkvæmd ráðstefnunnar. Ekki er komin niðurstaða í málið, en Þorgrími falið að halda því áfram.

Gæðamerki. Ákveðið að ræða um gæðamerki á aðalfundi.

Innflutningur á erlendum matvælum / sem ekki fást á Íslandi.

***Matvælainnflytjendur hafa óskað eftir að fá að flytja inn ýmiskonar matvörur, s.s. sauðaosta, geita osta og buffalóosta, svo fátt eitt sé nefnt. Stjórn Bfb tekur undir þau sjónarmið að ekkert sé sjálfsagðara en að framboð á vörum sé sem fjölbreyttast og er það ein af megin ástæðum þess að Bfb var stofnað, til að koma til móts við neytendur sem vilja geta valið úr fjölbreyttum matvælum.***

***Fjölmargir framleiðendur innan vébanda Bfb hafa nú hafið framleiðslu á fjölbreyttri flóru matvæla, þar á meðal geita- og sauðaostum, þó í mjög litlum mæli séð. Ætla má að nokkur ár líði þar til framleiðsla á þessum vörum verði nægjanleg hér á Íslandi, en til að það geti orðið þarf að eiga sér stað samtál milli framleiðenda, neytenda og reglugerða- og lagaumhverfis um það hvort og þá hvernig eigi að standa að þessari framleiðslu hér á landi. Vitað er að neytendur kalla á***

*Þessa vöru, framleiðendur er tilbúnir að framleiða þessa vöru, en er framleiðsluumhverfið hagfelt, þannig að unnt verði að framleiða geita- og sauðaosta á viðráðanlegum verðum hér heima?*

*Stjórn Bfb fagnar allri umræðu um aukna fjölbreytni í mat, neytendum til hagsbóta og vonast til að sú umræða sem nú er í gangi um innflutning á m.a. sauða- og geitaostum, leiði til þess að unnt verði að framleiða í einhverjum mæli þessa osta hér innanlands og með því aukist ennfrekar Íslenskt ostaúrval.*

Markaður í Hörpu í byrjun mars. Samþykkt að hvetja félagsmenn til að taka þátt í markaðnum og niðurgreiða kostnaðinn við aðstöðuna í Hörpu um allt að 50%.

Fleira ekki rætt og fundi slitið kl 19:00.

---

Þorgrímur Einar Guðbjartsson

---

Guðmundur Jón Guðmundsson

---

Hanna S. Kjartansdóttir

---

Heidi Laubert Andersen

---

Jóhanna B. Þorvaldsdóttir